

სსიპ - გამოცდების ეროვნული ცენტრი



სხვადასხვა სახის ავეჯის შესყიდვა გამარტივებული
ელექტრონული ტენდერის საშუალებით

(CPV 39100000 - ავეჯი)

სავარაუდო ღირებულება 13 000 ლარი

ქ. თბილისი
2013 წელი

სატენდერო დოკუმენტაცია:

1. ტექნიკური დავალება;
2. პროტენდენტის მიერ სისტემაში ასატვირთი დოკუმენტაცია;
3. სახელმწიფო შესყიდვის შესახებ ხელშეკრულების პროექტი;
4. დანართი №1 ფასების ცხრილი;
5. დანართი №2 მიწოდების ვადები (ფორმა);
6. დანართი №3 საგარანტიო ვადა და პირობები (ფორმა);
7. დანართი №4 ინფორმაცია უკანასკნელი 2 წლის განმავლობაში ავეჯის დამზადების გამოცდილების შესახებ (ფორმა);
8. დანართი №5 რეკვიზიტები (ფორმა);
9. ნახაზები/რენდერები.

**მოთხოვნა, რომელსაც უნდა აკმაყოფილებდეს პრეტენდენტი ტენდერში
მონაწილეობის მისაღებად:**

- შესყიდვაში მონაწილეობის მსურველ პირს უნდა გააჩნდეს ავეჯის დამზადების არანაკლებ 2 წლიანი გამოცდილება.

ტექნიკური დავალება

1. გამარტივებული ელექტრონული ტენდერის შესყიდვის ობიექტს წარმოადგენს ცხრილში მოცემული ტექნიკური მახასიათებლებისა და მიახლოებული ზომების მქონე სხვადასხვა სახის ავეჯი:

№	დასახელება	ტექნიკური მახასიათებლები	ზომის ერთ.	რაოდენობა
1	რეცეფშენი	თეთრი ორმაგი მაღალი ხარისხის აკრილის და ვენგეს ანათლით დაფანერებული მდფ-ის კომბინაცია; ზომა: 3880X2330X110მმ; ზედაპირი 10მმ ნაწრთობი გამჭვირვალე შუშის, ქრომირებული 8მმ სიმაღლის დგარებზე; ორი ოთხუჯრიანი ტუმბოთი, ტუმბოს ზომა: 400X480X650 მმ; ტელეკოპური სალასკებით, ლითონის მაღალი ხარისხის სახელურებით იხ. ნახაზი	ცალი	1
2	ტოპ მაგიდა	ზომა: (4170X2300)X610X1100 მმ; მაღალი ხარისხის (ვენგე) ანათლით დაფანერებული მდფ. 80 მმ სისქის ზედაპირით და ფეხებით; 5 ვერტიკალური ტიხრით(36 მმ); ტიხრებს შორის ლითონის მონიკელებული მილით; ნაკეთობა დამუშავებული უნდა იყოს პოლურეთანის ორკომპონენტიანი გრუნტით (ორი პირი) და ლაქით იხ. ნახაზი	ცალი	1
3	თარო	ზომა: (700 X 700 X 250) მმ მასალა ლამინირებული დსპ 36 მმ სისქის იხ. ნახაზი	ცალი	2

2. დამატებითი რაუნდების დასრულების შემდეგ, ყველაზე დაბალი ფასის მქონე პრეტენდენტმა მომდევნო სამუშაო დღის 15:00 საათამდე უნდა წარმოადგინოს შემოთავაზებული საქონლის დასამზადებლად გამოსაყენებელი მასალის ნიმუშები, რომლებიც გაივლიან შემოწმებას სატენდერო დოკუმენტაციის მოთხოვნებთან შესაბამისობის დადგენის მიზნით, შემდეგ მისამართზე ქ. თბილისი მინდელის ქ. №9.

შენიშვნა:

- შემოთავაზებულ საქონელზე საგარანტიო ვადა უნდა შეადგენდეს მიღება-ჩაბარების აქტის გაფორმების დღიდან არანაკლებ 3 (სამი) წელს, რომლის განმავლობაშიც მიმწოდებელმა საკუთარი ხარჯებით უნდა უზრუნველყოს ექსპლუატაციის პროცესში წარმოქმნილი ხარვეზების აღმოფხვრა (შეკეთება ან შეცვლა ახლით).

საქონლის მიწოდების ვადები და ადგილი

შესყიდვის ობიექტის მიწოდება და მათი აწყობა (მონტაჟი) უნდა განხორციელდეს გამოცდების ეროვნული ცენტრის შენობაში შემსყიდველის მიერ მითითებულ ადგილზე (მის: ქ. თბილისი, მინდელის ქ. №9), ხელშეკრულების გაფორმების დღიდან არაუგვიანეს 7 კალენდარული დღის ვადაში.

ანგარიშსწორების ფორმა და ვადები

1. მიმწოდებელთან ანგარიშსწორება განხორციელდება უნაღლო ანგარიშსწორების ფორმით, ეროვნულ ვალუტაში.
2. ანგარიშსწორება მოხდება 2013 წლის სსიპ - გამოცდების ეროვნული ცენტრის სახელმწიფო ბიუჯეტის სახსრებით.
3. მიმწოდებელთან ანგარიშსწორება განხორციელდება ფაქტიურად მიწოდებული საქონლის შესაბამისად, გაფორმებული მიღება-ჩაბარების აქტის და შესაბამისი საანგარიშსწორებო დოკუმენტაციის წარმოდგენის შემდეგ, 15 სამუშაო დღის განმავლობაში.
4. წინასწარი ანგარიშსწორება არ გამოიყენება.

აფიდავიტი

შემსრულებელი ვადადებულია გაეცნოს და დაეთანხმოს აფიდავიტის პირობებს, რა სახითაც იგი იქნება წარმოდგენილი სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.

დამატებითი ინფორმაცია

დაინტერესებულ პირებს დამატებითი ინფორმაციის მისაღებად შეუძლიათ მიმართონ სსიპ - გამოცდების ეროვნული ცენტრის სატენდერო კომისიის აპარატის წევრს:

- ნინო ჩიხლაძე - 599 09 66 00.

პრეტენდენტის მიერ სისტემაში ატვირთული სატენდერო წინადადება უნდა შეიცავდეს შემდეგ ინფორმაციას:

- ფასების ცხრილი დანართ №1-ში მოცემული ფორმით. სადაც მითითებული უნდა იყოს შესყიდვის ობიექტის დასახელება, ტექნიკური მახასიათებლები, რაოდენობა, ერთეულის და საერთო ფასი. სატენდერო წინადადების ერთეულის და საერთო ფასები უნდა მოიცავდეს ამ ტენდერით გათვალისწინებული შესყიდვის ობიექტის სრულყოფილად მიწოდებასთან და მის მონტაჟთან დაკავშირებულ ყველა ხარჯსა და კანონმდებლობით გათვალისწინებულ გადასახადებს, დღგ-ს ჩათვლით. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას;
- ინფორმაცია შესყიდვის ობიექტის მიწოდების ვადის შესახებ, დანართი №2-ის შესაბამისად;
- ინფორმაცია საგარანტიო ვადებისა და პირობების შესახებ, დანართი №3-ის შესაბამისად;
- ინფორმაცია ბოლო 2 წლის (2011, 2012 წ.წ.) განმავლობაში ავეჯის დამზადების გამოცდილების შესახებ (დანართი №4-ის შესაბამისად);
- პრეტენდენტის სრულ რეკვიზიტებს დანართ №5-ში მოცემული ფორმით.

შენიშვნა:

1. პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა და ბეჭდით.
2. სახელმწიფო შესყიდვების ერთიან ელექტრონულ სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასის) წარდგენით პრეტენდენტი ავტომატურად გამოხატავს თანხმობას ამ ტენდერით (სატენდერო დოკუმენტაციით) განსაზღვრულ მოთხოვნებზე.
3. ელექტრონული გარანტიის (სავარაუდო ღირებულების 1%) მოქმედების ვადა უნდა იყოს არანაკლებ 120 კალენდარული დღე „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „კ“ ქვეპუნქტით გათვალისწინებული ეტაპიდან.

სახელმწიფო შესყიდვების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარტივებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება № სახელმწიფო შესყიდვების შესახებ

ქ. თბილისი

----- 2013 წელი

ერთის მხრივ **სსიპ - გამოცდების ეროვნული ცენტრი** (შემდგომში „შემსყიდველი“) წარმოდგენილი მისი დირექტორის მოვალეობის შემსრულებლის **მაია მიმინოშვილის** სახით და მეორეს მხრივ, ----- (შემდგომში „მიმწოდებელი“) წარმოდგენილი მისი ----- სახით, „სახელმწიფო შესყიდვების შესახებ“ საქართველოს კანონის და პრეტენდენტის (მისი დასახელება) სატენდერო წინადადების საფუძველზე, **№SPA** გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინებს აქვთ შემდეგი მნიშვნელობა

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „საქონელი“ – ხელშეკრულების მე-2 მუხლით გათვალისწინებული საგანი.
- 1.7. „ტექნიკური დავალება“ – **№SPA** გამარტივებული ელექტრონული ტენდერის სატენდერო დოკუმენტაციის ტექნიკური დავალება.
- 1.8. „ტექნიკური დოკუმენტაცია“ – მიმწოდებლის მიერ **№SPA** გამარტივებული ელექტრონული ტენდერის სატენდერო წინადადებით წარმოდგენილი ტექნიკური დოკუმენტაცია, რომელიც დაერთდება ხელშეკრულებას, როგორც მისი განუყოფელი ნაწილი.

მუხლი 2. ხელშეკრულების საგანი

- 2.1. წინამდებარე ხელშეკრულების საგანს წარმოადგენს გამარტივებული ელექტრონული ტენდერის ტექნიკური დავალების დანართი №1-ით გათვალისწინებული სხვადასხვა სახის ავეჯის მიწოდება, მიმწოდებლის მიერ სატენდერო წინადადებით წარმოდგენილი ტექნიკური დოკუმენტაციის და ხელშეკრულების პირობების შესაბამისად (CPV 39100000 – ავეჯი).

მუხლი 3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს ----- ლარს.
- 3.2. შესყიდვის ობიექტის ერთეულის ფასი მითითებულია ფასების ცხრილში (დანართი №1-ში).
- 3.3. ხელშეკრულების ჯამური ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ ყველა ხარჯს და საქართველოს კანონმდებლობით გათვალისწინებულ გადასახადებს.

მუხლი 4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღლო ანგარიშსწორების ფორმით, ეროვნულ ვალუტაში.

4.2. შემსყიდველი ხელშეკრულებით განსაზღვრული თანხის გადახდას განახორციელებს 2013 წლის სახელმწიფო ბიუჯეტის სახსრებით.

4.3. მიმწოდებელთან ანგარიშსწორება განხორციელდება ფაქტიურად მიწოდებული საქონლის შესაბამისად, გაფორმებული მიღება-ჩაბარების აქტის და შესაბამისი დოკუმენტაციის (ანგარიშ-ფაქტურა, სასაქონლო ზედნადები) წარმოდგენის შემდეგ 15 (თხუთმეტი) სამუშაო დღის განმავლობაში.

მუხლი 5. მიღება-ჩაბარების წესი

5.1. შესყიდვის ობიექტი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

მუხლი 6. საქონლის მიწოდების ადგილი და ვადა

6.1 შესყიდვის ობიექტის მიწოდება, მათი ატანა და აწვობა (მონტაჟი) უნდა განხორციელდეს შემსყიდველის მიერ მითითებულ ადგილზე, მის: ქ.თბილისი, მინდელის ქ.№9.

6.2 შესყიდვის ობიექტის მიწოდების ვადაა ხელშეკრულების გაფორმების დღიდან -----
----- (არაუგვიანეს 7 კალენდარული დღე).

მუხლი 7. მხარეთა უფლება-მოვალეობანი

7.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

7.2. შემსყიდველი ვალდებულია:

- ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს შესყიდვის ობიექტის ღირებულება.

7.3. შემსყიდველს უფლება აქვს:

- შესყიდვის ობიექტის მიწოდების დასრულებამდე ნებისმიერ დროს მოითხოვოს მიმწოდებლისაგან მისთვის საჭირო ინფორმაცია.

- განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

- შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.

7.4. მიმწოდებელი ვალდებულია:

- დაიცვას ხელშეკრულებით გათვალისწინებული ყველა პირობა;

- დროულად, ჯეროვნად, ხარისხიანად, მაღალკვალიფიციურად და სრულად შეასრულოს ხელშეკრულებით ნაკისრი ვალდებულებები;

- მიაწოდოს შემსყიდველს ნივთობრივად და უფლებრივად უნაკლო შესყიდვის ობიექტი.

7.5. მიმწოდებელს უფლება აქვს:

- მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

მუხლი 8. გარანტია

8.1 მიწოდებელ საქონელზე საგარანტიო ვადა განსაზღვრულია მიმწოდებლის სატენდერო წინადადებაში მოცემულ საგარანტიო პირობებში (დანართი №3), რომლის განმავლობაშიც მიმწოდებელი ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა.

მუხლი 9. დავები და მათი გადაწყვეტის წესი

9.1. მხარეთა შორის წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

9.2. პირველი ინსტანციის სასამართლოს მიერ მიღებული გადაწყვეტილება უნდა მიექცეს დაუყოვნებლივ აღსასრულებლად.

მუხლი 10. ხელშეკრულებით ნაკისრი ვალდებულებების შესრულების ინსპექტირება

10.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია შესყიდვის ობიექტის

შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

10.2. ხელშეკრულების 10.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს -----.

10.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 11. პირგასამტეხლო ხელშეკრულების პირობების შეუსრულებლობისათვის

11.1. ხელშეკრულების 6.2 პუნქტით გათვალისწინებული ვადის გადაცდენის შემთხვევაში ყოველ დაგვიანებულ დღეზე მიმწოდებელს ეკისრება პირგასამტეხლო ხელშეკრულების ღირებულების 0.1 %-ის ოდენობით.

11.2. იმ შემთხვევაში თუ, პირგასამტეხლოს ჯამური თანხა გადაატარებს ხელშეკრულების ღირებულების 2%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შეწყვეტის მომენტისთვის გადასახდელი პირგასამტეხლოს ანაზღაურება და არ აუნაზღაუროს მიმწოდებელს შეუსრულებელი ვალდებულების ღირებულება და მოითხოვოს დამატებით პირგასამტეხლო, ხელშეკრულების ღირებულების 10%-ის ოდენობით.

11.3. მიმწოდებელი ვალდებულია დაფაროს პირგასამტეხლო შემსყიდველის წერილობითი მოთხოვნიდან არაუგვიანეს 10 (ათი) დღის ვადაში.

11.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 12. ფორს-მაჟორი

12.1. ფორს-მაჟორი ნიშნავს მხარეებისთვის გადაუღალახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი;

12.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ ცალმხრივად შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

მუხლი 13. ხელშეკრულების შესრულების შეფერხება

13.1. თუ ხელშეკრულების შესრულების პროცესში მხარეებს შეექმნებათ რაიმე ხელშემშლელი გარემოებები, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

13.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

მუხლი 14. ხელშეკრულებაში ცვლილების შეტანა და ხელშეკრულების შეწყვეტა

14.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

14.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულებების პირობების გადასინჯვა ხდება საქართველოს კანონმდებლობით დადგენილი წესით.

14.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

14.4. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია საქონლის ან მისი ნაწილის მოწოდება;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის გაკოტრების შემთხვევაში;

ე) საქართველოს კანონმდებლობით გათვალისწინებულ სხვა შემთხვევებში;

14.5. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

14.6. მხარე ვალდებულია 14.4. და 14.5 პუნქტებით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით შეატყობინოს მეორე მხარეს.

14.7. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14.8. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

მუხლი 15. ხელშეკრულების მოქმედების ვადა

15.1. ხელშეკრულება ძალაში შედის მხარეთა მიერ მისი ხელმოწერის მომენტიდან და მოქმედებს 2013 წლის -----მდე.

მუხლი 16. სხვა პირობები

16.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

16.4. ხელშეკრულება შედგენილია ქართულ ენაზე სამ ეგზემპლარად, რომელთაგან თითოეულს აქვს თანაბარი იურიდიული ძალა. ხელშეკრულების ორი ეგზემპლარი ინახება შემსყიდველთან და ერთი ეგზემპლარი მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 17. მხარეთა იურიდიული მისამართები და რეკვიზიტები

შემსყიდველი:

მიმწოდებელი:

სსიპ - გამოცდების ეროვნული ცენტრი

ქ.თბილისი, მინდელის ქ. №9

ს/კ: 202198727

სახელმწიფო ხაზინა

ანგარიშის №200122900

დირექტორის მ/შ

მაია მიმინოშვილი

ფასების ცხრილი

პრეტენდენტის დასახელება: -----

№	დასახელება	ტექნიკური მახასიათებლები	ზომის ერთეუ ლი	რაოდენ ობა	ერთ. ფასი	საერთო ფასი
1	2	3	4	5	6	7
1	რეცეფშენი		ცალი	1		
2	ტოპ მაგიდა		ცალი	1		
3	თარო		ცალი	2		
ჯამი ღღგ-ს ჩათვლით:						

შენიშვნა: მე-3 გრაფაში პრეტენდენტის მიერ მითითებულ უნდა იქნას საქონლის ტექნიკური მახასიათებლები, ტექნიკურ დავალებაში მოთხოვნილი პარამეტრების შესაბამისად.

პრეტენდენტის ხელმოწერა და ბეჭედი: -----

ინფორმაცია

შესყიდვის ობიექტის მიწოდების ვადის შესახებ

შემსყიდველის მიერ მითითებულ ადგილზე საქონლის მიწოდებას და მათ აწეობას (მონტაჟს) დაეასრულებთ ხელშეკრულების ხელმოწერის დღიდან არაუგვიანეს ----- კალენდარული დღის ვადაში.

პრეტენდენტის ხელმოწერა -----

ბ.ა.

შენიშვნა:

შემოთავაზებული ვადა არ უნდა იყოს სატენდერო დოკუმენტაციით მოთხოვნილ ვადაზე მეტი.

საგარანტიო ვადა და პირობები

პრეტენდენტის დასახელება: -----

საგარანტიო პერიოდი (ვადა) მიღება-ჩაბარების გაფორმების დღიდან	გარანტიის პირობები
	მიმწოდებელმა საკუთარი ხარჯებით უნდა უზრუნველყოს საგარანტიო პერიოდში, ექსპლუატაციის პროცესში წარმოქმნილი ხარვეზების აღმოფხვრა, კერძოდ: საქონლის შეკეთება ან შეცვლა ახლით შეტყობინების მიღებიდან 5 (ხუთი) სამუშაო დღის განმავლობაში.

პრეტენდენტის ხელმოწერა და ბეჭედი: -----

შენიშვნა:

- შემოთავაზებული საგარანტიო ვადა უნდა იყოს მიღება-ჩაბარების გაფორმების დღიდან არანაკლებ 3 (სამი) წელი.

ინფორმაცია

ბოლო 2 წლის (2011, 2012 წ.წ.) განმავლობაში ავეჯის დამზადების გამოცდილების შესახებ, თითოეულ წელს მინიმუმ ერთი შემსყიდველის მითითებით

№	შემსყიდველი	შესყიდვის ობიექტის დასახელება	ხელშეკრულების გაფორმების თარიღი	ხელშეკრულების ღირებულება	ელექტრონული ტენდერის შემთხვევაში SPA ნომერი
1					
2					
3					

პრეტენდენტის ხელმოწერა -----

ბ.ა.

შენიშვნა:

ელექტრონული ტენდერის გარეშე გაფორმებული ხელშეკრულებები პრეტენდენტმა უნდა ატვირთოს სისტემაში.

რეკვიზიტები:

პრედენდენტის დასახელება:

ხელმძღვანელის სახელი და გვარი:

პრეტენდენტის იურიდიული მისამართი:

პრეტენდენტის ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება:

ბანკის კოდი:

ანგარიშსწორების ანგარიშის ნომერი: